



Kaupapa
Mīharo

Wero
Wai

Ngohe 2.1: Te hurihanga wai

**Ka tauwhāinga koutou, ko ō hoa ako,
ki te haere mā Te Hurihanga Wai, hoki atu anō ki te rangi!**

Ko wairehu koe ināianei, ā, kei te takiwā o Ranginui koe e noho ana. Ko te wero, me tere ake tō haere mā ia wāhanga o Te Hurihanga Wai i ērā atu rōpū kei tō akomanga, me te kore e tōmiti wawe!

Kua rite koutou?

Hei mahi 1

Whakawehea tō akomanga, ō waho rānei o te akomanga ki ngā wāhanga e whā, ā, kia pēnei te takoto whakatekaraka:

Hei mahi 2

E tū ki te kapua, ā, kimiha tētahi nō rōpū kē hei hoa mōu.

Hei mahi 3

Me tākaro kōrua ko te hoa i te pepa-kuti-toka.

Hei mahi 4

Ka huri te toa hei ua, kātahi ia ka neke ki te wāhanga whai muri atu i te huringa. Ka noho te mea i hinga ki te kapua.

Hei mahi 5

Kimiha he hoa anō, ka tākaro ai i te pepa-kuti-toka kia haere tonu ai te kēmu. Ki te toa koe, ka neke koe ki te wāhanga whai muri atu i te huringa. Ki te hinga koe, ka tōmiti koe, ā, me hoki koe ki te kapua, ki reira tīmata anō ai.

Ki te kore he tangata i tō wāhanga, me tatari koe ki te huringa e whai ake nei kia haere tonu ai te kēmu. Mēnā ko kōrua anahe ko tētahi nō tō rōpū i tō wāhanga, ka tauwhāinga kōrua ki a kōrua.

Hei mahi 6

Kia tae koe ki te wāhanga o Wairehu i Te Hurihanga Wai, me toa anō koe i te pepa-kuti-toka e mutu ai tō haere i te hurihanga wai.

Hei mahi 7

E mutu ai te kēmu, me whakamutu ia tangata o tō rōpū i te hurihanga wai. Ko te rōpū tuatahi ka pēnei te toa o te kēmu!

Karawhiua!

